

廿五日。早起阴雨，已而大晴，热甚。周筱棠、夏宝生、张鲁生、听帆昆仲过谈。晚过潘伯寅、周荇兄商议进退之宜。所见各别，而伯寅言词悚切，不能不怀戒心，径思策蹇出都门矣。接王夔石一信，又接冯竹儒、唐景星二信。

廿六日。刘云生、高篙渔过谈。云生于洋务颇有见地，而于世事多未谙悉，具折示之，乃至愤切以争，盖所见原自高人一等也。

廿七日。邀高篙渔、朱石翹、裕时卿、周桂坞、李果仙、刘云生、魏赓臣、俞竹君早酌，商酌出处之宜，仍是各持一见，无所折衷也。中午大雨。

廿八日。贾春回南，托带家信丙字八号，并寄志城及李镜沔及衡叔、笙叔、达山各信。又寄张力臣信，本附家信内送交，因仆辈无一得力者，迟延沉搁，动至数月，三月廿七日第四号家信则至今未寄到也，乃改托晦甫附寄，并附丙字第九号家信一件，托力臣送交。

廿九日。唐斐泉过谈。佩蘅、经笙两相国遣总署章京成端甫来问销假事宜，颇无以应之。晚过刘云生谈相，两心相印处，正索解人不得也。

六月

六月初一日庚寅。二伏，郁热万状。致经笙相国一信，力陈乞归之旨。周桂坞过谈。何心茹军门遣差弁至。是夕大雨。

初二日。请再续假一月，臧告经笙相国，得其回信，仍以出洋为词。其视此事过轻，视嵩焘亦太简矣。朱石翹过谈。是夕奉旨：准开署缺，仍留京听候出洋。

初三日。大雨。凉如深秋，夹衣似犹未足也。丁瑞亭南归，